

欽定剿平三省邪匪方略

欽定剿平三省邪匪方略正編卷八十一

戊午年

十月初三日^{癸巳}勒保英善福寧奏言^臣等接據

成都保寧達州各局司道稟稱前蒙奏撥京餉

四百萬兩到川分解省城二百萬兩保寧達州

二百萬兩均各撙節支發因數月以來用項紛

繁刻下省局除製辦軍火軍裝給發各站運腳

等項實用銀三十九萬六千餘兩又發採買穀

價銀五十九萬兩並歸還臺費借項及兵餉銀
五十八萬二千餘兩外祇存銀四十餘萬兩其
應給各營季餉並各州縣請領賑卹及應行找
發賞卹行裝等項尙未發給至保寧達州兩處
除支發各路軍營官兵鹽菜馬乾及各臺站運
腳等項外現存銀止七十餘萬兩通盤核計僅
敷月餘之用稟請再奏撥銀四百萬兩解川接

濟等情臣等伏念川省經興時逾兩載費用實屬浩繁是以接辦之始卽彼此關照稽查力加節省每有支領俱係勢所必需並無浮糜惟因刻下賊匪均已逼歸川境兵勇雲集需用更多且自京到川爲期必須三月有餘將來賑卹善後事宜需用亦復不少臣等不得不預爲籌計

仰懇

聖恩再撥銀四百萬兩迅速解川以備應用

同日福寧又奏言九月十七日據渠縣稟稱賊匪包正洪一股由廣安竄至該縣之望溪徐添德一股由廣安竄至該縣清溪場又有箕山竄出之夥賊日在該縣靜邊寺一帶滋擾渠河東西兩岸均有賊匪運道梗塞等情查渠河直達川江係成都重慶運糧來達州水路而廣安又

屬成都順慶陸運之通衢今據稟道路阻隔已
一面飛飭前途將續運糧石暫行停止竊計達
州預有儲備尙無匱乏之虞惟惠齡恒瑞富成
德楞泰等所帶官兵會集箕山附近地方需糧
較多原藉營渠兩縣源源轉輸現在渠邑運道
旣被賊阻臣卽飛檄保寧府由儀隴營山等處
分投趕運接濟至勒保一路需用兵糧已令雲

萬二縣協力供送其明亮等追剿張漢潮一股
現據報由陝境回至南江已飭巴州通江各州
縣探明師行去向迅速運糧以濟要需又准額
勒登保知會現從寧羌州一路來川截剿亦已
飭廣元就近運供兵食所有各路軍糧均無貽
悞再達州一路往來軍報業經改由重慶成都
一帶馳遞均奏入

上命軍機大臣傳諭勒保惠齡恒瑞英善明亮德楞
泰額勒保保福寧曰前因德楞泰奏伊一路軍營
支用銀數清單交軍機大臣查核據稱與軍需則
例大半不符約計每月支濫銀四萬餘兩殊出情
理之外著交勒保遵照例案將浮支各款核明確
數著落德楞泰名下賠補以示懲儆德楞泰一路
如此各路亦大概可知帶兵大員等剿辦賊匪兩

載有餘並未能將各首逆按名擒獲惟知多請帑
銀又復支銷浮濫并藉此爲冒餉漁利之計可見
伊等每次所請帑項非帶兵大員等例外濫支卽
係派出糧員通融濫應勒保身爲總統受朕重恩
若亦相率效尤扶同掩飾不據實查明叅奏以儆
將來則是有心狗隱自貽身家之累凜之愼之至
渠縣清溪場靜邊寺等處賊首徐添德等在彼滋

擾以致運道梗塞是屯聚箕山一帶賊匪又復肆
出奔竄惠齡等既不能併力進攻又不能設法攔
截究竟在彼所辦何事至張漢潮一股屢被官兵
擊敗更易成擒乃奔竄之餘復有匪徒與之合夥
高均德一股亦任其竄近聞中此又明亮額勒登
保等之罪惠齡恒瑞富成德楞泰明亮與肇額勒
登保均著傳旨嚴行申飭國家帑項歲有常經軍

務一日不竣不但需費不貲卽轉輸供億煩擾日增若再不迅勉藏功共圖撙節伊等更有何顏再爲請帑亦斷不能仍前發給其各清夜捫心勉圖自贖勿謂寬典可以屢邀也

上諭內閣曰勒保等奏預籌川省軍需請撥餉銀接濟著照所請於部庫撥銀三百萬兩照例迅速解往川省以備應用

初七日

丁酉

勒保奏言竊

臣

圍剿冷添祿一股賊

匪前因積雨兼旬未得剋期掃蕩十二日以後

仍復霧雨迷漫難施兵力而軍行緊要未便因

雨久稽查得梨樹坪一路賊卡之下地勢稍寬

臣

於十五日晚間督率觀成穆克登阿帶兵進

發其餘各路鎮將俱令發兵牽綴是夜霧氣甚

重我兵拔援競上五更後甫抵賊卡守備唐文

高首先帶兵扳開木柵跳入卡內手刃數賊兵
勇一湧驟進拋擲火彈焚燒草棚十餘間賊匪
鳴鑼吶喊立時慌亂各卡賊匪聞聲救應各兵
勇不避鎗石鼓勇直前斃賊三百餘名生擒嚴
士玉等二十三名乘勢直逼祖師觀寨門賊匪
施放滾木檣石抗拒益力我兵自卯至未相持
四五時之久衝撲十餘次斃賊無數惟山坡險

消官兵自下仰攻難於登陟守備唐文高腹中
鎗傷陣亡隨將官兵徐行捲撤研訊嚴士玉等
據供冷添祿等被官兵四面圍困不敢遽行逃
竄惟盼有別股前來接應再定去向等語

臣思

祀師觀各處賊卡路逕陡險連次冒雨仰攻既
覺費力莫若將計就計誘賊下山可以痛加殲
殺隨密令千總王大勇薛陞義首冉斌等帶領

鄉勇一千二百名假充教匪在路陽壩一路距
大營數十里外施放鎗礮由遠漸近至第三日
卽逼近百祥營盤之後官兵亦施放空鎗作爲
拒賊之勢其祖師觀賊匪每日聞鎗聲緊急卽
憑高瞭望至十九日正值百祥一路營卡開放
鎗礮卽有賊匪吶喊而下前有白旗三桿帶領
匪衆約五六百人直撲百祥營盤維時官兵正

在設伏以待密俟賊匪下至游家溝地方左右
伏兵齊出賊知中計旋欲折回卡卽督率富爾
賽等帶兵由季家臺抄出賊匪之後與百祥兩
面夾擊將賊逼入山溝無路竄逸生擒賊匪王
良升等六十七名都司沈文同因趕拏活賊受
有鎗傷一處賊衆被殲殆盡訊之王良升據供
冷添祿等因連日聽得路陽壩一路鎗礮不絕

想必有另股同教之人擾及官兵後路嗣見漸次逼近與官兵連日打仗寨上看得甚真所以先派我等下來會合探明是何路同教接應俟衝開營卡冷添祿等亦卽率衆隨後衝出不想被官兵擒剿等語餘無要供當卽分別凌遲正法伏查此股賊匪圍剿月餘方能得手此次設法誘剿雖未能遽獲渠魁而殲斃衆多亦足以

寒賊膽

臣

惟有再行策勵兵勇趕緊設法攻擊

所有傷亡兵勇另行查明咨部

勒保又奏言查冷添祿一股賊匪屯聚祖師觀

臣

節次督兵攻剿原冀迅就殲除卽行移兵他

路乃緣近日秋霖過甚兵力難施兼之林亮功

王光祖等股賊匪奔竄於江北鄰水岳池等處

往來無定亦由

臣

分撥官兵督飭劉君輔富森

布等相機截剿均須就近調度正在與緊之際
茲奉

諭旨令

臣

酌留提鎮將領剿辦冷添祿一股

臣

卽統

領勝兵速赴箕山先剿羅其清等股賊匪第就

目下情形而論如

臣

前赴川北自不能不酌帶

官兵若兵力一分悉冷添祿一股圍而復縱或

與林亮功等再行竄合必致轉肆鴟張川東境

內復虞蹂躪不得不通盤計籌因思現在川北
一路自陝匪闖入之後股數雖覺稍多而惠齡
恒瑞德楞泰富成等會合一處正可商同剿辦
且帶兵大員有賽冲阿阿哈保阿穆勒塔溫春
達三泰觀祥朱射斗李紹祖等已足敷調遣如
惠齡等仰仗

天威日內得擒一二首逆其餘自可漸有把握設或

稍涉擔延臣先曾知會惠齡等總期設法布置

毋任賊匪再竄陝疆則臣移兵會剿亦不致過

於費手至臣一路帶兵大員如七十五已因傷

前赴夔州調養艾如文石傷手腕骨節折損觀

成雖帶兵勇往而近因病後兩耳重聽此外惟

有百祥富爾賽德英額等三員均不能獨當一

面如冷添祿一股未就擒臣遂舍此而去竄

在交替無人惟有將此間賊匪趕緊肅清再行
移師川北迅速會剿庶不致顧彼失此

同日惠齡恒瑞德楞泰奏言連日接奉

諭旨以羅其清黨與尙多飭令臣等先行剿辦伏思

冉文儔徐添德等各股賊匪俱在箕山附近屯
聚借羅其清以爲聲援誠如

聖諭先將羅其清一股剿除則各股賊匪失所倚恃

卽募剿遁逃而陝省邊界堵禦甚嚴其勢亦難
竄越惟查箕山周圍一百餘里羅其清賊黨實
有三萬餘人負嵎拒守山勢險峻東西北三面
俱甚陡削不能仰攻惟東南有路可通均爲各
股賊匪佔踞必須先破各匪卡寨始可直逼箕
山但西北一帶雖有將軍富成駐兵防堵而兵
力稍單恐其不敷截剿

臣

等當飛調總兵觀祥

就近帶兵協助並飛咨甘肅秦承恩預於川陝

交界地方嚴密堵截臣等分兵兩路同時進發

臣惠齡恒瑞帶兵進至黃泥坪見該處山梁均

有賊卡卽鼓勵將士奮力搶撲賊匪抵死抗拒

我兵連破賊卡三座殺賊四百餘名生擒李興

相等四十餘名將黃泥坪搶佔臣德楞泰帶兵

行抵順水寺將賊卡四座攻破殺賊六百餘人

生擒方朝良等五十餘人_註等提訊李興相供

稱冉文儔派令賊黨五百人把守黃泥坪大夥

聚在王家梁陡嘴子一帶又據方朝良供稱樊

人傑龍紹周龔建等俱屯在郭家廟廖家碓等

處徐添德等屯距陳家壩小蓬寺等語餘無要

供概行正法查各股賊匪分屯要隘均有長河

間隔况值霪雨經月河水甚漲自應設法急渡

以圖進取臣惠齡督率總兵李紹祖副將關聯

陞副將銜穆克登布叅領佛寧帶兵進攻王家

梁等寨臣恒瑞督率副將德忠凝德佐領佛爾

卿額祿成等帶兵進攻陳家壩等寨臣德楞泰

督率賽冲阿阿哈保温春阿穆勒塔達三泰副

將德寧遊擊馬瑜等帶兵進攻郭家廟廖家廟

等寨三路均於五更時冒雨前進或騎馬競渡

或見水逕涉

臣

德楞泰由沙灘河躡水搶上五

塊石賊已佔據廖家礮東西二溝拚死抗拒官

兵鎗箭齊發賊匪連撲三次四川外委盧一得

直前拒敵身受鎗傷官兵人人痛恨奮勇進攻

搶佔廖家礮山梁殺賊三百餘人生擒應江

等二十一名我兵乘勝壓下將東西溝賊巢

棚全行燒燬殺斃五百餘名搶獲賊旗刀矛牛

馬甚多正在督兵搜剿忽冀山賊匪四五百人

分股前來勢甚兇悍

臣

德楞泰當派阿哈保帶

領侍衛墨爾歡保營總達斯呼爾岱副將扎勒

杭阿遊擊劉維馨都司馬應國等帶兵由左手

抄下賽冲阿帶領侍衛富森德吉林佐領明德

穆騰額叅將李錫命遊擊蒲尙佐屯副將銜坤

朋等帶領滿漢屯土各兵由右手抄下

臣

德楞

泰親帶溫春阿穆勒塔侍衛阿納保達勒精阿
鄂爾綏索倫總管色爾滾僧多保等帶兵由馬
鞍山郭家山由家澗往來截殺殲賊六百餘名
生擒郭彥榜等三十三名賊衆大敗遂據尖山
子等處吉林委官西蒙額哈郎阿身受鎗傷羅
時臣惠齡督兵進攻王家梁搶上山梁將賊寨
攻破殺賊四百餘名生擒周添翰等五十餘人

適陡嘴子賊匪前來接應臣德楞泰又帶吉林

黑龍江官兵迎頭截殺連斃賊匪三百餘人餘

匪紛紛退回我兵從後掩擊追上陡嘴子山梁

賊匪慌急無措棄卡奔逃我兵四處截殺又斃

賊二百餘人餘眾俱向後山逃竄至臣恒瑞帶

兵攻搶陳家壩賊卡賊匪擲石放鎗抗拒甚力

當行直隸千總劉太奮不顧身扳開木柵拋擲

火彈燒燃卡內草棚我兵乘勢搶入劉太中鎗陣亡我兵鎗箭並施殲斃賊匪三百餘人將陳家壩山梁佔據復帶兵進攻小蓬寺賊寨見賊匪甚形慌亂卽乘勢攻撲立將賊寨打破殺賊二百餘人生擒陳藍亭等五十餘名_臣等合兵一處通計三路進兵殺賊三千餘人奪佔賊卡七座賊寨六處刀矛器械八百餘件賊旗五十

餘梟訊據活賊供稱六處賊寨係冉文偉龍紹
周龔建徐添德樊人傑分起屯紮今被官兵打
破各賊首先已逃遁等語臣等深爲憤恨當將
該犯等立行正法旋據將軍富成札稱二十一
日辰刻有賊匪數千從龍頭寨山梁直奔前來
卽督兵迎頭截擊施放鎗礮斃賊三百餘名忽
有天池子十二灣兩股賊匪順溝而來翻向大

梁逃竄當派叅將郭承緒遊擊扎克丹傅雲巴
圖魯馬昌傑等分兵截剿富成往來策應均有
殺獲各匪未能北竄又總兵朱射斗由史家坪
截剿西竄賊匪設伏擊散封河又有一股賊匪
由羅家嘴直衝官兵營盤經該鎮帶兵殺退是
晚賊匪渡河劫營當卽奮力掩殺殲賊四百餘
人賊始奔竄伏查富成朱射斗截退各匪卽係

^臣等攻剿敗逃之賊今復折回正可聚而殲洗

惟^臣等亟圖進剿羅其清大股未暇他顧雖各

股賊聚均經奪佔而羅其清賊卡林立各道山

梁絡繹不斷^臣等當於二十二日清晨進兵^臣

德楞泰搶佔雙栢樹山梁^臣惠齡恒瑞搶佔仰

天堽山梁俱距箕山十有餘里草棚布帳歷歷

在目現在進攻之路俱爲賊匪挖斷並於山腰

築設木城守禦情形極爲可恨

臣

等悉心籌議

箕山地廣賊多勢難圍剿前次飭調各州縣團勇多緣保護城池鄉堡至今未到一名惟就現有兵力設法攻剿趕緊逐層進逼以冀尅日殲

除再

臣

等昨奉

諭旨以高均德一股賊匪竄往廣元飭令分兵前往與額勒登保兩面夾擊

臣

等正在會商辦理接

據儀隴縣稟報九月十九日有高均德一股由南部之石板寨羅溪寺新鎮壩一帶竄至該縣土門鋪當經額勒登保躡蹤趕剿卽於是日抵該縣之觀紫場等語臣等查高均德一股夥匪經額勒登保自廣元截剿以來沿途殺獲甚多勢甚窮蹙今該匪折回東南其意仍欲奔赴箕山依附衆賊額勒登保帶兵一千餘名似覺稍

單臣等當卽知會將軍富成就近帶兵迎頭截

剿如高均德夥匪已赴箕山額勒登保卽可會

同富成由西北一帶進攻更爲得力均奏入

上命軍機大臣傳諭勒保惠齡恒瑞明亮德楞泰額

勒登保曰勒保奏官兵進攻祖師觀賊卡仍未將

首逆生獲殊屬無謂勒保屢以陰雨爲辭藉口支

飾此次官兵進攻已至祖師觀寨門因山坡險滑

旋經撤退追設法誘賊下山又不能乘虛搶佔賊
巢擒拏賊首似此遷延株守賊退旣不能進攻賊
出又不能繞截現在川北賊匪負隅據守急須移
師會剿勒保又以伊一路帶兵鎮將不足倚恃無
可交替之人則更當將祖師觀賊匪速行剿盡以
便尅日前赴川北今稽遲多日旣不克分身督辦
又不立即擒渠兩路耽延何時方能辦竣勒保著

再傳旨嚴行申飭其打仗陣亡之守備唐文高著
咨部加等優卹又據惠齡等奏官兵攻克箕山附
近卡寨亦未拿一賊首卽所稱殺賊三千餘名恐
亦不足深信惠齡等在箕山剿賊每次奏摺僅係
殺賊若干名奪卡若干座卽爲出力而各股賊首
一任其負固稽誅實爲伊等恥之惠齡恒瑞富成
德楞泰著再傳旨嚴行申飭今據奏稱已分佔山

梁距箕山祇十餘里是官兵已緊逼賊巢更無難
直前進搗倘仍前支吾觀望竟欲以身試法乎所
有陣亡之千總劉太亦著咨部加等優卹

同日

上命軍機大臣傳諭勒保惠齡曰本日王三槐解到
經軍機大臣審訊據供聞徐添德已被大礮轟斃
羅其清冉文儔俱心生懊悔因畏懼王法不敢出

來若知伊投順得生必皆投出並稱從前知縣劉清曾經前往伊等寨內曉諭出降王三槐當卽親自投赴宜綿軍營其時被營內官員擋住不准謁見宜綿以致徐添德懷疑不肯投出如果所供屬實則王三槐徐添德早有投順之事彼時宜綿等何以任聽屬官阻止竟無聞見亦未奏聞以致辦理需時著勒保查明具奏不得代爲迴護至羅其

清冉文偉等果被官兵剿急或探聽王三槐信息
希圖免死竟行投出亦未可定著勒保惠齡等察
看賊情一面仍鼓勵兵勇上緊進剿總以擒獲首
犯爲正辦設各首犯等有真心棄械自縛投誠者
亦不防酌量寬其一線予以生路亦可藉此解散
餘黨稍省兵力然祇可帶兵大員數人存之於心
密爲酌辦不但不可令兵弁等聞知卽將領等亦

不可稍有宣露以致心生懈弛此爲最要

臣等謹案聖人以好生爲德雖當稱兵詰暴之時猶寓神武不殺之意川匪羅其清冉文儔等以

化字編氓惑於邪教輒敢煽誘狂愚滋擾郡縣屢經官兵追剿猶復負隅抗拒實爲

覆載所不容乃我

皇上至仁育物曲予生全此次因王三槐有羅其清
等前曾向軍營投順之供

特降旨令勒保等查奏並

諭以如果該犯等真心投誠不妨寬其一線仰見

聖德如

天風霆示教而蠢彼兇頑不知悔悟甘蹈誅夷非惡貫
盈必至禽獮草薶而後已所謂自作孽不可

活傾覆之理固昭然其不爽也

十一日辛丑宜綿秦承恩奏言高均德股匪前竄

四川廣元縣境額勒登保接臣等札會卽由寧

羌取道星馳迎剿節次肅加截殺殲戮過半餘

匪南竄四川閬中縣境甘肅張漢潮等一股前因

陝省屢次剿殺折回川境經明亮等統兵追剿

在南江地方殲斃甚多賊聚湖山向東北奔竄

撥至通江之兩河口逼近西鄉簡陽界經
該處守卡鄉勇迎頭截殺一百餘名未得闖入
陝境賊又東竄通江之竹峪關逼近西鄉九元
子適臣宜綿所派總兵慶溥在漁渡壩一帶督
兵堵截並經臣秦承恩飛飭同知徐洪懋挑派
精壯鄉勇幫同堵禦賊知有備遂向南竄至四
川太平之牛毛坪此二股皆去陝境漸遠臣等

不敢因此稍有疎懈現惟督同王文雄柯藩慶
溥等於通川各邊隘鼓勵兵勇嚴密防堵不令
一名闖入再漢中一帶本年八月初五日以後
大雨四十餘日溪河漲發山徑泥深數尺正值
張漢潮高均德等擾近東西邊界兵勇往來堵
剿極爲勤苦其各營需用軍火糧餉人夫背運
行走更屬艱辛經下等督飭漢興道文需漢中

府趙洵帶同幹員沿途設法催趨俱已源源接
運並無貽悞旬日以來積雨新晴賊氛漸遠貨
物流通民情安貼被難貧民俱隨地妥爲安撫
各歸復業無不歡欣鼓舞感頌

皇仁再欽奉

諭旨查前竄西鄉菜子溝老林之零股賊匪張二美
等五百餘人經守卡州判李鼎帶領鄉勇搜殺

三百餘人餘匪逃至司渡河經守備雙德帶領
兵勇逼入深溝正值李晶從後路趕到賊匪見
前後受敵折回溝口拚死奪路守備雙德奮勇
堵往直前攪殺身受重傷不肯稍退兵勇人人
忿恨與李晶兩面夾擊登時殲戮盡淨雙德等
均各因傷身死此外亦無另股賊匪臣等查詢
目擊員弁情形均屬相同奏入

上命軍機大臣傳諭鄂保宜紳秦永恩曰此時川省
竄匪去陝已遠宜紳等惟當督率將弁實力嚴防
如有川匪逸入陝省邊境者卽行迎頭截擊不得
因賊已折回稍有疎懈

十五日^{乙巳}惠齡恒瑞額勒登保德楞泰奏言^臣

等自攻得雙栢樹仰天堽後已逼近箕山賊巢
^臣德楞泰督率賽冲阿溫春阿穆勒塔等帶兵

由山左尖山一路進攻臣恒瑞督率副將德忠

凝德佐領祿成等從山右斷山一路進攻臣惠

齡督率總兵李紹祖副將關聯陞穆克登布馬

國銳等從板廟子一路正面直上均於四更發

兵臣德楞泰抵小箕山天甫黎明賊匪竟敢聚

衆迎拒官兵鎗箭齊發斃賊二百餘人遊擊趙

永成吉林防禦倭新保雲騎尉烏勒興額奮勇

突入賊卡木柵拋擲火彈將賊人柵卡延燒烟
焰四起賊匪拚命相持趙永成等三員均中鎗
矛陣亡黑龍江副總管福僧額委防禦福勒登
守備何化龍五寨土副將銜坤朋均經受傷我
兵人人忿恨一勇前進砍殺五百餘人生擒一
百餘人詢係冉文儔龍紹周等股賊匪當卽督
兵攻破箕山卡柵維時臣恒瑞帶兵從右手一

路將高均德阮正澤唐大信等賊寨攻破殺賊
四百餘人亦卽搶上山梁其箕山正面賊匪紮
有木卡三層路逕逼仄我兵正在仰攻時臣惠
齡業將賊匪頭卡二卡攻破帶兵趕到相度情
形一面搶撲一面密派官兵從木柵之旁攀援
而上連擲火彈將賊棚燒燃賊匪見箕山左右
俱經火發而木柵內又復延燒紛紛潰散官兵

奮力連破木柵而進斃賊七百餘人其箕山之
後二十餘里尙有賊卡林立臣等乘勢掩擊又
斃賊男婦約千餘人追至賊卡賊匪業經先竄
盡力窮追又斃賊二百餘人生擒焦應南等三
百八十一名訊據該犯等供稱箕山係羅其清
大股賊匪佔據其餘各股賊匪本在山之左右
屯劄官兵攻破箕山各股賊匪均已分路逃竄

羅其清見箕山左右火起卽帶人由樹林內逃

竄前去等語當將該犯等概行正法臣等仍卽

分兵趕擊適臣額勒登保先自廣元蒼溪一帶

剿辦高均德黨與及李全一股竄匪連日於閬

中儀隴邊界殺賊六百餘人黑龍江委防禦固

哲德依中鎗陣亡行至罐子場探得張公橋一

路又有賊匪橫出初疑李全等折回希圖截我

後路當卽分兵從罐子場截剿臣額勒登保親

帶官兵由張公橋迎擊賊匪正在下山我兵分

頭截其首尾賊匪無路可逃綸布春格布舍楊

遇春等率領馬步官兵馳突衝殺斃賊五百餘

人滾跌死者不計其數生擒劉朝佐等一百二

十餘人並擒騎馬賊目一名甚形兇悍詢係張

漢潮之子張正濫於上年與張漢潮分股同王

廷詔阮正滙來至箕山依附羅其清此股賊匪
卽係該犯所領共有一千餘人臣額勒登保因

此股賊匪除殲擒外潰散無幾遂令該處鄉勇
搜拏仍卽率兵從二道河高梁寺等處追剿李

全等賊匪於王老山一帶斃賊二百餘人與臣

惠齡等先後會合隨即連夜分頭兜剿臣惠齡

額勒登保帶兵抄向西北一路臣恒瑞德楞泰

帶兵抄向東北一路迎頭截殺賊匪竄上太鵬
山寨屯踞坡下四面尙有餘匪攢集我兵分路
剿殺斃賊一千二百餘人生擒康元鳳等三十
四人_臣等察看太鵬山寨寬廣一百餘里半屬
懸巖木係團勇結寨之所因逼近箕山久經遷
避而山上有大廟一所係川北居民香火寺僧
頗有積貯不能遽離此番賊至始各奔逃當有

僧人靜修赴營詢稱寺內有糧食七百餘石並
民人寄存亦有四千餘石山上水泉堰塘甚多
並嚴訊活賊康現鳳等僉供羅其清王廷詔李
全等俱已上山其餘冉文倚高均德阮正澄龍
紹周樊人傑徐添德馬朝禮等聞打破箕山時
均已分竄等語當將該犯等正法臣等伏查各
股賊匪俱倚恃羅其清以爲聲援今羅其清又

復屯劄此山未卽擒獲實堪憤恨自應併力先
將羅其清剿辦且據賊供三廷詔李全俱在寨
中該二逆係湖北起事著名首惡尤應及早殲
除雖各股賊匪多有竄散若分投追剿轉恐兵
力不敷然各匪或有遠颺又恐於巴州南江等
處闖入陝境再四籌畫臣恒瑞酌帶官兵二千
餘名由保寧廣元馳赴寧羌一帶會同宜綿秦

承恩等各於要隘之處嚴密堵剿

臣

惠齡等現

已知會將軍富成從天池子帶兵前來就此兵

力合剿如日內卽將羅其清等設法生擒殲盡

餘黨卽分帶官兵剿辦逃散各股賊匪若稍需

時日仍卽酌量分兵偵探賊蹤剿洗庶無顧此

失彼之虞再張正隆一犯係張漢潮之子其所

供各匪情形較爲確鑿卽各股首逆均皆熟識

現將該犯暫行嚴禁在營以備獲有首逆質認
再查廣東雜定協副將楊遇春現丁父憂例應
回籍但該員打仗奮勇爭先甚得兵心當此剿
賊喫緊之際可否令其仍留本任伏候

聖裁奏入

上命軍機大臣傳諭勒保惠齡宜綿恒瑞秦承恩明
亮德楞泰額勒登保曰此次惠齡等分兵進擊殺

賊多名並將張漢潮之子張正隆拿獲所辦差強人意但既經攻破賊巢不能設法堵截又任首逆竄入太鵬山據險屯聚仍屬無能不足爲功至剿敗餘匪業經恒瑞帶兵由廣元一路兜捕尤富乘勢奮擊速行剿淨並著宜綿秦承恩等於寧羌一帶實力堵截前後夾擊不拘何人擒獲賊首卽係何人之功倘縱一名闖入陝境必加重懲所有殺

賊陣亡之遊擊趙永成等俱著各部加等議卹其
丁憂副將楊遇春現在帶兵需人自應仍留副將
本任以資得力現在額勒登保已與惠齡等會合
正當乘賊匪潰敗窮蹙之時迅速殲除倘因得有
勝仗卽心存懈緩又復因循貽悞則是伊等甘蹈
重譴欲再留前贖之地不可得矣再閱張正澐供
詞年已五十七歲則該犯之父張漢潮總在七十

以外年已衰老惠齡等若能乘勝進攻業將羅其清張漢潮拏獲固屬甚善倘尚未就獲張正澧現經留禁在營張漢潮豈不顧念伊子或卽令張正澧誘致伊父出投使此股賊匪先行肅清亦是一法其羅其清冉文儔等若能一併招出省我兵力則多得一名賊首大功早一日告成更爲事半功倍但軍營帶兵大臣不可專恃此策稍存懈弛仍

當以帶兵進攻擒拏首逆者
正辦也

欽定剿平三省邪匪方略正編卷八十二

戊午年

十月十九日

臣已

勒保奏言冷添祿一股賊匪經

臣

設法誘擊殲斃多人該匪等自知無路竄逃

守禦益固

臣

督率將士於二十三及二十六

等日分路進攻而賊匪據卡嚴防一見官兵上

至陡險處所卽鳴鑼集衆鎗石並發兵勇節有

損傷令人實深髮指

臣

於各兵勇內復挑選拔

援趨捷之人作爲前隊先撲賊卡令後隊兵勇
各執撫牌稍避鎗石以期乘勢並進二十八日
四更酌派觀成百祥富爾賽穆克登阿帶兵三
路直抵賊卡下各兵勇扳開鹿角鼓勇爭先並
有躍過壕溝與賊攪殺一處者後隊官兵卽用
撫牌遮護跟蹤而上撲開賊卡四處殲斃執旗
賊目二名殺賊無數維時賊衆捨命相持飛石

如雨遊擊張良槐都司劉成玉守備王榮等次第帶傷並不退怯仍督兵力撲惟賊巢上下坡坎層疊未能深入直至申酉之交遂將官兵暫劄正擬次日併力進攻適據後路探報有賊匪一股擾至溫湯井地方勢頗猖獗正在專差確探復接明亮來信知係張漢潮一股賊匪自兩河口等處剿敗後晝夜奔逃由太平通江邊界

直至開縣譚家壩溫湯井一帶路通奉節大寧
可以竄回楚北且距此間軍營後路甚近而中
間貓兒寨地方本有蘭芽場餘匪一股在彼屯
紮此起賊匪自首逆洪道人就擒之後其牟登
元一犯有稱已被官兵殲斃者有稱逃入別股
者所有剿剿匪黨六七百人於東鄉邊界往來
遊奕因各路團勇屢次殲斃無路遠颺復竄至

貓兒寨經

臣

派令叅將褚大榮胡尙賢帶兵圍

困正期全數殲除茲乃值張漢潮股匪衝突而

來設一經勾結不但於後路大有關係且冷添

祿等本有等候同教接應之說更不可不設法

隄防

臣

得信後卽飛飭大寧奉節巫山各屬星

夜圍集鄉勇扼要堵禦並於各營卡內密抽官

兵二千餘名馳赴窄口子地方相機截擊又添

派兵勇交褚大榮等帶領以防匪黨衝合詎張
漢潮匪衆分起狂奔甫至蝦巴口距貓兒寨二
十餘里因探知有官兵在彼截堵卽折竄東壩
溪經兵勇擒獲探馬鄢朝相等三名解營訊據
供稱張漢潮由太平一路分起前來其頭起賊
匪已先由尖山壩向東逃竄後起賊匪均由東
壩溪傳家壩陸續行走因雲陽地方現有大兵

駐劄不敢停留等語

臣

查此刻令添祿一股賊

匪圍困嚴密與張漢潮聲息未通自不致彼此

勾合惟夔府所屬本來守禦空虛今賊匪旣接

續東竄又復一面知會明亮與肇督率兵力務

期倍道兼馳緊蹙追捕一面知會景安高杞於

湖北邊界一律嚴防所有

臣

處抽撤官兵卽令

由沙沱子等處偵探賊蹤相機協剿

臣

亦移兵

江口以壯聲援其祖師觀周圍營卡暫行照常
防範另圖進取惟當攻圍喫緊之際復因此分
兵牽綴下忱焦灼實屬悚懼靡寧

勒保又奏言查王光祖林亮功等股賊匪前從

江北分竄合州隣水一帶經臣嚴飭劉君輔富

森布趕緊帶兵攻剿並飛飭各地方官分投堵

禦嗣據各路稟報該匪等由合州隣水兩路滋

擾岳池縣屬大溪口該處爲順慶府通判分駐
地方署通判周履謙帶領鄉勇馳赴梅子壩扼
要堵截賊匪復分股從水田壩小路繞至大溪
口塲後該署通判家丁童易攜帶關防前赴梅
子壩報信正值賊匪竄入童易被戕關防亦卽
遺失周履謙當卽帶領鄉勇馳回始將賊匪剿
散岳池縣知縣朱泰茹亦帶領團勇從走馬嶺

一路援應而至斃賊三百餘名匪衆仍折竄隣
水地方維時劉君輔帶兵趕到與該縣知縣鍾
人傑併力馳擊復斃賊二百餘人追至廣安地
界又經該州知州阮和吏目樓在齊篴率領鄉
勇於三溪口扞路坎一帶分投邀擊所有林亮
功一股剿散之後賊目已正洪卽向渠縣之永
興場等處竄去現經達州各屬團勇分汛堵截

熾繁極多其大夥匪衆仍由岳池黎梓衛竄至
台州楊家崖正遇富森布督兵迎截該匪等無
不捨命相持富森布帶同叅將姜敏功遊擊楊
國林都司司國屏等分路奮擊連次接仗於涓
子溪小沔溪雙鶴寺等處鎗斃執旗賊目二名
賊匪百餘名及二三百名不等賊衆又翻山從
草街子向江北廳屬東陽鎮一帶奔逃臣查王

光祖等股賊匪現復折入江北邊境設令偷渡
過江窺伺重慶所關匪細當卽飛飭該地方文
武將船隻全數撤赴南岸實力堵防並嚴飭劉
君輔富森布速由合州廣安兩路進兵夾擊以
期立就殲除至羅其清冉文儔徐添德等節經
惠齡恒瑞德楞泰富成等督兵攻剿復又分竄
營山縣太鵬山並達州所屬火盆山一帶而額

勒登保所剿廣元一路餘匪亦向儀隴一路潰
逃察看大局自不致再行北竄至此次富森布
一路叅將姜敏功因衝撲賊隊受傷陣亡守備
劉興國千總王九錫均經受傷

同日景安奏言

臣

於十月初九等日連接各路

採報張漢潮一股賊匪又復竄至川省大寧縣
龍溪河等處漸近楚境

臣

查大寧北界房竹南

通巴歸二竹地方早經臣籌佈兵勇派令鎮臣

路超吉率同將備嚴密防堵惟房縣距大寧最

近該縣九道梁等處尤爲險峻臣亦預派副將

樊雄楚等帶領兵勇扼要設卡臣現復帶兵前

來房縣居中策應督率嚴防倘賊匪竟敢前來

窺伺臣卽帶兵迎頭截剿後有明亮追躡前有

臣兵堵截兩路夾擊定可得手若賊探知北路

防備嚴密不敢竄越自必由川境之巫山南窺
巴歸彼處亦早經臣派鎮臣王凱前往並派兵
三千餘名團練健勇五千餘人擇要設卡撫臣
高杞復經前往會同該鎮嚴防萬無可虞均奏
入

上命軍機大臣傳諭勒保惠齡景安明亮高杞曰冷
添祿一股久經官兵圍困勒保帶領多兵並不能

迭搗賊巢輒藉稱山險路滑與賊日久相持以致
張漢潮及蘭芽場屯聚餘匪復思勾結擾及後路
勒保又移兵江口策應前次令勒保先赴川北督
剿則稱將領俱不足恃兵力難分今又將祖師觀
賊卡委之將領攻圍伊復移駐江口豈非進退無
據自相矛盾乎似此處處爲賊牽掣茫無所措則
賊首冷添祿於何日始能拏獲其奏定限期豈不

竟成虛誑且前據勒保奏稱王三槐爲著名首惡
冷添祿祇係分股賊目自當易於搜捕今王三槐
就獲已閱多時而冷添祿又經層層圍逼勢極窮
蹙乃以如許兵力剿此一股困守之賊轉日久未
能剿竣可見伊前奏非空言邀功卽係自存滿足
實屬負恩無能勒保著再傳旨嚴行申飭至張漢
潮一股本係明亮與肇帶兵追擊昨據惠齡等奏

已將張漢潮之子張正潞拏獲該犯自必聞風膽落無難一鼓殲擒乃任其輾轉奔逃由太平通江直至開縣一路往來自如明亮等所辦何事而劉君輔富森布所剿之王光祖林亮功等股亦並不趕緊兜剿復任折竄通江及江北一帶均屬無能之至明亮與肇劉君輔等著傳旨嚴行申飭其陣亡之叅將姜敏功着咨部加等議卹至張漢潮等

現在竄近奉節大寧等處附近楚北邊界景安務
須與高杞督率鎮將兵勇分段實力嚴防迎頭堵
截勿使一名闖入爲要

二十三日癸丑明亮與肇高杞奏言竊張漢潮率

領敗殘餘匪向大寧東面繞道狂奔勢必闖入

楚境臣明亮與肇由開縣抄道前來輾轉兜剿

該匪益形窮蹙未得與勒保圍剿之賊牽綴合

駁初五初六等日日有斬戮初七日至楊家坪
擒獲探馬徐良貴章秀等訊據供稱連被官兵
殺傷甚多日來張漢潮帶領男婦先逃暫留矛
手八百餘人在後迎拒官兵以便覓路逃生又
聽張漢潮說要逃過界嶺仍回巴東歸州無城
垣地方擄掠牛馬衣物到荊州襄陽再作計議
等語

臣等思張漢潮狡猾性成往往指東竄西

似難深信復加哨探該匪竟向界嶺東窺界嶺
與湖北巴東歸州相聯東北界連襄陽東南近
接荆宜設不繞出賊前相機攔截更覺費手

臣

明亮等當卽飛咨高杞擇要迎剿一面聲言由
陸路追擊一面札飭夔州守張至幹調集南岸

船隻於初十日帶兵順江而下十二日戌刻趕

抵巴東

臣

高杞先已接准勒保及

臣

明亮等咨

札並連日拏獲賊探丁宗學等僉供張漢潮現
到九灣子木瓜溪等處先令伊等潛探何處可

過便從何處衝入

臣

高札卽與鎮臣王凱於各

卡酌添壯勇晝夜嚴堵仍各帶兵與

臣

明亮等

會合迎剿適據探報十三日張漢潮率領賊匪

來衝羅坪營卡

臣

明亮等因該處地方前此賊

匪曾兩次闖入山勢散漫若官兵圍剿情急恐

賊衆向四山亂竄不能盡行擒殺查羅坪以束
白楊坪以西有山嶺一道過嶺十餘里兩面皆
係陡壁莫若將賊人誘過大嶺至峽內兩面夾
擊隨飭知羅坪官兵不許出卡虛放鎗礮使賊
人由溝底竄過大嶺臣高杞卽與王凱率同員
弁潛帶兵勇集於嶺上合力下壓臣明亮興肇
督同圖桑阿愛星阿鎮臣長春木騰額遊擊應

元寬游棟雲守備王成傑帶領馬步官兵在峽口外埋伏俟賊人臨近齊力迎殺未刻賊人馬隊百餘步賊五百餘人來至峽口

臣

明亮等率

領官兵一湧而出鎗箭齊發賊猶捨死抗拒因

殺傷甚多始行收回

臣

高杞同王凱等立時帶

兵從嶺上下壓前後殲擊生擒一百二十五名

內有長探頭人張聯科等三名割獻首級二百

五十顆該匪攀援石壁逃逸者不滿六七十人

訊據張聯科等供張漢潮前數日在前狂奔我

等在後拒敵昨日他選派我等五六百人來衝

營卡他現在羅溪壩紮營未來當將該犯等立

行正法

臣

明亮等同

臣

高杞卽領官兵分兩路

迎剿黎明趕至羅溪壩張漢潮已聞風從原路

回竄

臣

明亮等此番從水路而下原爲出其不

意以圖生擒張漢潮今該匪雖未闌入楚境而
首逆究未成擒惟有不遺餘力漏夜緊躡賊蹤
設法剿擒以冀速獲首逆至臣高杞因賊匪颺
忽無定仍與王凱督率各卡文武兵勇悉力防
堵總不使復入楚省奏入

上命軍機大臣傳諭勒保景安明亮高杞曰明亮等
追剿張漢潮股匪爲日久總不能速行擒獲又

任輾轉奔竄欲思闖入楚境今雖與高杞在巴東
地方會同截擊賊匪仍竄回原路張漢潮迄未成
擒似此爲賊牽綴忽前忽後伊於何底明亮與肇
著再傳旨嚴行申飭其楚北邊境景文高杞仍當
督率鎮將等實力防堵探蹤截剿

二十五日乙卯
宜綿秦承恩奏言_臣等探聞川省

箕山各股賊匪因官兵剿捕緊急分投奔竄正

在嚴飭各邊卡加意防堵旋據寧羌州稟報有賊匪七千餘人由四川廣元寬灘分股竄至欸臺子流沙坡一帶距陝省寧羌邊界甚近經總兵索費英阿副將李文蔚都司王興朝等帶領兵勇分頭堵截殲賊多名賊退回大紅崖山下會合一處繞至七坪子連夜翻山竄至寧羌卦子山西流河一帶又據探報通江賊匪一股約

三千餘人兩次攻撲南鄰哨風樓毛狗洞卡隘
因該處隘口俱用石牆壘斷守卡鄉勇憑高抵
禦賊匪不能撲上遂翻老林東竄城固邊界

臣

等悉心籌酌川匪竄至寧羌城固東西兩路均
關緊要但東路城固之賊距江岸稍遠已飛飭
各卡鄉勇趕緊堵截並令城固縣牟鴻鸞帶領
義首李斌段經德等扼要嚴防一面飛調防守

西鄉大池壩之副將官信等迅速帶兵繞至北路向東逼剿惟西路寧羌之賊逼近寶川大安驛路爲陝省門戶可由畧陽而入甘省亦可由褒城而至棧道必須先爲剿辦當卽飛飭署副將蘇維龍知府趙洵帶領兵勇迅赴寧羌鐵鎖關一帶相機堵截一面札會王文雄帶兵飛赴西路探蹤截剿並派司道支珍等備尙其倫

帶領兵勇馳至黃官嶺一帶遇其北竄之路賊
知鐵鎖關堵禦甚嚴卽由西流河向東北一帶
奔趨十一日午刻甫抵銅腰正遇王文雄帶兵
趕到賊匪退回對面山梁排列王文雄督同叅
將鍾岳等帶兵迎剿賊恃其人衆分作兩路壓
下勢甚兇悍我兵亦分兩路施放連環鎗礮向
上迎擊搶至半山賊猶抵死不退我兵用過山

烏打斃執大旗騎馬賊目三人賊始退回山梁
相持數刻又密分一股潛伏西路山溝欲從半
山突出抄截我兵之後王文雄瞭見令糧員州
判張聖祐馬兵王廷英帶領鄉勇夫役趕至山
右林內見溝內之賊俱已爬至山腰卽大聲吶
喊各用大石向下擲擊斃賊數十人餘匪紛紛
退走王文雄督率弁兵衝賊大隊賊匪登時潰

亂向山下捨命奔逃我兵緊隨趕剿殲斃賊匪
一千餘人並截住溝內賊匪四百餘人全行殲
淨奪獲馬騾器械甚多生擒張金等八十三名
訊據供稱此股賊首係阮正通樊學銀陳文寬
李必福等共有七十餘人因聞兩當徽縣糧食
甚多欲竄往搶掠再行北去不料行至銅廠地
方卽被官兵截住等語餘無要供當卽分別正

法餘衆翻過老林向東奔竄王文雄恐其由鐔
口子竄出大路該處雖派有叅將鮑貴防守但
祇帶兵五百名未免稍單隨飛飭董文珍尙其
倫速由黃官嶺趕往接應十二日黎明賊匪大
隊奔至鐔口子見鮑貴帶兵無多公然分作三
路直撲營盤鮑貴悉力抵禦適董文珍等帶領
兵勇趕到卽時搶佔山梁與鮑貴兩面夾擊自

辰至午擊斃賊匪六百餘人騎馬賊十餘名賊

衆披靡卽向南翻翻老君山大嶺竄至紅廟塘漸

近江岸臣等因江水已涸到處褰裳可涉當飭

漢興道文需知縣章廷楓等多集鄉勇沿江上

下排列旂幟帳房大張聲勢並令革職藍翎侍

衛慶廉帶領投効武舉武生給以馬匹弓箭於

樹林茂密之處絡繹偵探以作疑兵十三日早

賊匪馬步數十人潛至江岸窺探慶廉偕典史
崔萱率同兵勇用大礮轟斃馬賊二名步賊三
名餘匪退回紅廟塘大夥賊衆卽由法慈院一
路向東奔逸適王文雄已由北路抄繞前來

臣

等卽令由五郎口一帶向東北兜截顧住江岸
並令董文珍尙其倫等由法慈院跟蹤追剿兼
防賊匪折竄其竄至城固之賊經知縣牟鴻壽

帶領鄉勇在二郎壩毛埡子一帶奮力堵截截
賊數十人未令北竄隨向東擾至西鄉罐子山
又經同知徐洪懿知州宋昌珍督率守卡鄉勇
施放鎗礮斃賊三百餘名賊衆遂南竄大巴關
一帶此二股賊匪相距不遠似欲尋蹤會合

臣

等以賊匪分路奔竄未免牽掣官兵莫若逼令
歸併一處正可悉力兜圍現在飛調防守西鄉

東路之總兵慶溥及防守紫陽石泉之總兵柯
藩關騰等各帶兵丁與王文雄等會合兜剿
等亦卽趕赴西鄉一帶就近督辦

同日福寧奏言查徐添德等逆日前由渠邑楊
家場竄屯達州之火盆山當經各寨團勇併力
堵禦該匪等繞至州屬之羅江口土地壩一帶
滋擾因城內兵單隨抽撥鄉勇派令擇要嚴防

近城村莊未遭蹂躪民情尙屬安帖刻下此股賊匪現在蓮花庵等處遊奕若得官兵追剿前來卽可由達州撥運糧石以資兵力近接巴州南江等處稟稱巴州之江口蒼溪之三會溪廣元之琉璃院均有賊匪竄入而岳池廣安合州長壽各州縣亦有賊匪紛擾水路運道已被阻隔查川北各路官兵所需軍糧業飭附近各州

縣就近分投運供無虞匱乏惟達州存糧恐形
短缺臣預令永寧道石作瑞設法購買寬爲備

貯刻下川東各營軍糧亦極充裕至明亮等追
剿張漢潮一股賊匪現由開縣一路前進除飛
檄夔府各屬協力供送糧石以濟兵糈外其餉
項已節次撥解過銀四萬餘兩儘足敷用惟昨
准秦承恩咨開明亮等一路官兵前在川境月

餘計需餉銀十萬有奇應由川省照數裁補歸
款報銷又川省糧員田文煦稟稱七月間陝省
糧員在川尙欠明亮等軍營兵餉銀三萬兩有
餘衆兵紛紛補領等語查明亮等前此由陝帶
兵入川因賊匪在前一切糧餉實難迎頭運供
當經飛咨陝省暫行尾隨支應一面派委糧員
田文煦等繞道趕赴接辦嗣賊匪折竄西鄉該

糧員亦隨明亮等同往陝省當由川省撥給餉銀一萬五千兩今陝省既欲找補銀十萬兩零指爲在川支用而糧員又稟稱舊欠軍營兵餉三萬有零亦須在川補領通計所用餉銀積至十四萬五千餘兩伏查明亮所帶兵丁不過三千餘名前於七月初二日抵川卽於是月二十六日出境在川不過二十餘日何至須銀一十

四萬餘兩之多且據糧員具稟明亮等軍營共
帶長騾一千餘頭長夫二千餘名是否屬實抑
係一面之詞現在咨詢明亮令將實用銀數及
夫騾數目詳晰查明並咨查陝省支用細數確
核查辦

臣深念

國家經費有常竭力撙節猶恐日用日多若再任
聽虛糜更復何所底止今明亮等一路官兵如

此多賈諒各營亦所不免此時正當剿捕萬緊
之際勢難齊集員弁確加質算惟有盼望賊匪
蕩平再將濫支濫應各項查明分別覈實辦理
均奏入

上命軍機大臣傳諭勒保惠齡宜綿秦承恩明亮福
寧曰川省賊匪因被剿緊急分投奔竄寧羌城固
一帶俱經宜綿等擊退未令竄近漢江所辦尚好

此二股賊匪已逼令歸併一處惟當督率鎮將等
併力奮擊不拘何人能將賊首拏獲卽係何人之
功漢江一帶仍應嚴密防堵勿使乘間闖入惠齡
等旣未能將緊要賊首羅其清等速行拏獲又任
各股賊匪四處分竄所辦何事豈有在彼株守而
於他股竄匪竟置不顧之理明亮等剿辦張漢潮
一股亦未擒獲賊首豈以業經截回卽可藉詞卸

賁耶惠齡恒瑞明亮興肇等均屬無能著再傳旨
嚴行申飭至明亮等一路所帶兵丁祇三千餘名
在川祇二十餘日何至需銀十四萬餘兩所帶長
驛長夫亦何須用至一二千之多若非任意多索
卽係藉端開銷但帶兵大臣俱係欽差違例多索
糧員等自不敢不行應付是濫應固所不免而濫
支之弊爲多著勒保福寧會同據實嚴查將任意

浮支各員卽行嚴叅如係糧員濫應冒銷亦卽在
明劾奏毋得稍有瞻徇並著明亮先行明白迴奏

二十九日已未惠齡恒瑞富成領勒登保德楞泰

奏言臣等前將箕山賊巢攻破分路兜剿羅其

清率衆竄上太鵬山寨屯踞因恐各股賊匪分

路潰逃闖入陝境當卽公同商酌臣恒瑞酌帶

官兵前赴靈羌一帶會同堵截正在啟行之際

聞有賊匪數千人在營山九嶺子方家廟一帶
滋擾運道並有窺伺營山縣城之意查陝界現
有督撫提鎮嚴防

臣

恒瑞際此賊勢鴟張未敢

拘泥原奏率行前往當卽會同飛咨該督撫外

一面派令副都統銜阿穆勒塔副將汪啟帶兵

二千名前往營山截剿

臣

等會剿羅其清大股

以冀及早肅除但查太鵬山險陡異常向係民

紮寨木柵石牆極爲堅固且西北一帶又有
觀紫山龍臺山馬山溪二層山梁均有賊人紮

卡把守東南一帶有鄭家山梁遮蔽中隔一溝

爲寶珠寺山其東北雙山子等處亦極高峻各

有賊卡多設礮石嚴防_臣等再四熟商必須將

四面各賊卡攻克方能進逼賊巢當卽分路進

剿_臣惠齡額勒登保由西北一面進兵_臣恒瑞

德楞泰由東南進兵同時並發

臣

額勒登保督

同綸布春阿哈保格布舍楊遇春等帶兵由觀音坪直進賊先已占踞轎頂山烟墩山等處紮卡據守我兵攻打數次殺賊二百餘人該匪等施放鎗石從上壓下我兵鎗箭並發連斃賊匪三百餘人詎賊匪詭詐異常由林內突出數百人繞在我兵之後當有吉林委署叅領巴彥保

委官額勒京額恒泰等翻身迎殺手及賊匪十
餘人巴彥保等三人中鎗陣亡千總馬文貞土
守備銜桑吉均經受傷適

臣

惠齡帶領總兵朱

射斗副將關聯陞副將銜穆克登布叅領佛寧

等由獠牙寨過深溝上滴水崖搶占西面龍臺

山賊卡殺賊五百餘人從旁抄襲前來始將賊

匪截住

臣

等兩路併力剿殺兩晝夜由洞庭觀

周家嶺將馬山溪及觀紫山兩處賊人大卡攻
克殺賊七百餘人復將林內各賊擊退殺斃三
百餘人賊衆均向太鵬寨北門竄去維時臣德

楞泰督率賽冲阿溫春達三泰副將德寧扎勒
杭阿等帶兵從東南消水溪搶占馬鬃磯攻奪
賊卡三處賊人撲壓數次抵死抗拒富有吉林
委官誇德恩特和默蒙果勒首先跳入卡牆連

拋火彈立將賊棚焚燒賊衆慌亂委官富昌阿
乘勢砍開木柵我兵一湧而進鎗箭並施殲賊
三百餘人誇德恩特和默蒙果勒富昌阿俱中
鎗石陣亡黑龍江防禦富楚那吉林委官八十
六沙爾呼五十五舒隆阿均受石矛各傷官兵
人人憤恨遂由溜草坡過鄭家山梁並尖山子
兩路奮力掩殺殲斃殆盡

臣

德楞泰遂攻克寶

珠寺大卡一座搶占該處山梁

臣

恒瑞督率總

兵觀祥副將德忠佐領佛爾卿額祿成等帶兵

由東北王家河一帶遶到小鵬寨徑搶雙山子

賊卡正在攻撲之際適

臣

富成由天池子帶兵

前來兩路夾擊當將青山子賊卡打破次日乘

勝進占雙山子賊卡殲絕賊匪四百餘人餘俱

竄逸統計四路官兵搶占賊卡八座殺賊二千

餘人生擒劉士序等二百餘人當提嚴訊據供
羅其清現住太鵬山寨寺內積有糧食甚多山
寨四門俱極險陡羅其清分令夥黨死守聞有
王廷詔李全亦在寨內羅其清由箕山逃竄時
乘夜令伊弟羅五同頭目蘇應品魏官各帶領
三千餘人先往營山搶城刦糧又令伊堂弟羅
八頭目苟倖如黎兆濬帶一千餘人前往渠縣

一帶堵截運道又令頭目蘇應從魏中孚帶二千餘人分往儀隴巴州一帶刦奪軍火糧餉問得羅其清說能斷官兵糧草使內外受敵自然不能久駐等語餘無要供當卽概行正法查羅其清恃衆負嵎狡詐百出亟應趕緊圍攻正在設法進剿據各路探報馬鞍場柳埡場等處有賊匪二千餘人往來遊奕阻截巴州儀隴運道

新寺場王家寨一帶亦有賊匪三千餘人截斷

營山來路李家場志林場亦有千餘賊匪滋擾

渠縣糧道各路不通臣等萬分焦灼自應亟爲

疏通庶不受賊匪牽綴除營山一路已有阿穆

勒塔剿辦外臣恒瑞額勒登保卽抽帶官兵前

往儀隴巴州一帶疏通運道剿滅一處再赴渠

縣帶兵趕緊剿辦以冀次第肅清併力會剿羅

其清大股臣惠齡在太鵬寨西北觀紫山一帶

山梁臣富成在東路青山子山梁臣德楞泰在

東南寶珠寺一帶山梁扼要兜圍雖兵力尙覺
不敷惟有殫竭血誠設法趕緊攻剿斷不敢以
山險賊衆稍失機宜奏入

上命軍機大臣傳諭勒保惠齡恒瑞明亮額勒登保
德楞泰曰箕山賊匪負嵎拒守惠齡等帶兵攻逼

爲計已久此次雖斃賊二百餘人致克賊卡仍未
拏獲賊首不足稱功而帶同官員轉致多有傷亡
所辦殊屬不值惠齡等著書傳旨嚴行申飭現在
各賊首俱竄聚一處惠齡等惟當奮力進擊將羅
其清等各賊首速行擒獲而額勒登保德楞泰等
久歷戎行較爲熟習尤應同心併力乘勢會剿肅
清運道以期稍贖前愆其殺賊陣亡之吉林委署

參領巴彥保等俱着咨部加等議卹